



Broj: 02-03-55/21.
Sarajevo, 11.01.2021. godine

Na osnovu člana 18. stav (1), člana 87. stav (1) tačka b) i člana 90. Zakona o javnim nabavkama („Službeni glasnik BiH“, broj: 39/14), člana 2. stav 3. Pravilnika o postupku direktnog sporazuma („Službeni glasnik BiH“, broj: 90/14), čl. 2. i 5. Pravilnika o postupku Direktnog sporazuma Kantonalnog stambenog fonda Sarajevo, broj: 02-03-54/20 od 09.01.2020. godine, odredaba Pravilnika o javnim nabavkama roba, usluga i radova Kantonalnog stambenog fonda Sarajevo, broj: 02-02-331/2019 od 18.03.2019. godine i broj: 02-03-387/2020 od 04.03.2020. godine, odredaba Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, br: 27/19, 29/19 i 48/19) i ovlaštenja iz člana 14. u vezi sa članom 16. Statuta Kantonalnog stambenog fonda Sarajevo, broj: 02-169-2/2006 od 06.02.2006. godine i broj: 01-1344-6/2012 od 27.07.2012. godine, Direktor Kantonalnog stambenog fonda Sarajevo, kao Ugovornog organa, d o n o s i

O D L U K U
o pokretanju postupka javne nabavke robe:
Nabavka ostalog potrošnog materijala za održavanje
-DIREKTNI SPORAZUM -

I

Odobrava se pokretanje postupka javne nabavke robe: Nabavka ostalog potrošnog materijala za održavanje.

Jedinstveni rječnik javne nabavke je:

- 44500000-5- Alat, brave, ključevi, škare, vijci, lanac i opruge,
- 31530000-0- Djelovi svjetiljki i rasvjetne opreme.

II

Zakonski osnov za provođenje postupka javne nabavke je sadržan u članu 90. Zakona o javnim nabavkama – Direktni sporazum.

III

Procijenjena ukupna vrijednost iz tačke I ove odluke iznosi do 2.000,00 KM bez PDV-a.

IV

Finansijska sredstva za realizaciju ove nabavke obezbijedena su Finansijskim planom Kantonalnog stambenog fonda Sarajevo za 2021. godinu, a vode se na Ekonomskom kontu broj: 511001 – Troškovi nabavke ostalog potrošnog materijala za održavanje.

V

Vrsta postupka javne nabavke: Direktni sporazum.

VI

Kriterij za dodjelu ugovora je „najniža cijena“.

VII

Za realizaciju ove Odluke zadužuje se Odjel za pravne i ekonomske poslove.





VIII

Ova odluka stupa na snagu danom donošenja.

O b r a z l o ž e n j e

Odredbom člana 18. stav (1) Zakona o javnim nabavkama („Službeni glasnik BiH“, broj 39/14), propisano je da ugovorni organ pokreće postupak javne nabavke donošenjem odluke u pisanom obliku koja obavezno sadrži zakonski osnov za provođenje postupka javne nabavke, predmet nabavke, procijenjenu vrijednost nabavke, podatke o izvoru finansiranja i vrstu postupka javne nabavke.

Odredbom člana 90. Zakona o javnim nabavkama („Službeni glasnik BiH“, broj 39/14), propisano je da ugovorni organ nakon ispitivanja tržišta traži pismeni prijedlog cijene ili ponuda od jednog ili više ponuđača i pregovara ili prihvata tu cijenu kao uslov za konačni sporazum.

Odredbama čl. 2. i 5. Pravilnika o postupku Direktnog sporazuma Kantonalnog stambenog fonda Sarajevo, broj: 02-03-54/20 od 09.01.2020. godine utvrđeno je da se postupak Direktnog sporazuma primjenjuje za procijenjenu vrijednost roba/usluga/radova na godišnjem nivou u iznosu do 6.000,00 KM, ukoliko je tako što predviđeno Planom javnih nabavki Kantonalnog stambenog fonda Sarajevo kao Ugovornog organa, a da se u postupku provođenja javne nabavke tržište ispita traženjem pisanog prijedloga cijena ili ponude od jednog ili više ponuđača koji obavljaju djelatnost koja je predmet javne nabavke rukovodeći se pri tome čl. 11., 12. i 13. Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, broj: 27/19, 29/19 i 48/19).

Planom Javne nabavke Kantonalnog stambenog fonda Sarajevo za 2021. godinu planirana je nabavka ostalog potrošnog materijala za održavanje pod stavkom 3. (tri) robe-direktni sporazum.

Potreba za javnom nabavkom-nabavka ostalog potrošnog materijala za održavanje Kantonalnog stambenog fonda Sarajevo u toku kalendarske 2021. godine iskazana je u realnim okvirima i kreće se do 2.000,00 KM.

Zbog efikasnosti u provođenju ovog oblika javne nabavke i kontinuirane potrebe Kantonalnog stambenog fonda Sarajevo za ponavljanjem istovrsne nabavke raba iz predmeta iste u toku 2021. godini (nabavka ostalog potrošnog materijala za održavanje), a u okviru je procijenjene vrijednosti na godišnjem nivou, odlučeno je da se donese jedinstvena Odluka, kao pravni osnov za provođenje svih pojedinačnih javnih nabavki koje će se u navedenom periodu provesti putem direktnog sporazuma.

Finansijska sredstva za realizaciju ove nabavke obezbijedena su Finansijskim planom Kantonalnog stambenog fonda Sarajevo za 2021. godinu i vode se na Ekonomskom kontu broj: 511001 – Troškovi nabavke ostalog potrošnog materijala za održavanje.

Dostaviti :

- Odjel za pravne i ekonomske poslove
- Arhivi

